



Partii Inuit Inatsisartuni

UKA 2013 / RB

Inatsisartut aningaasanut inastisaanni konto 24.11.23-mi naatsorsuutit, nukissiornermi ikummatissanut avatangiisit pillugit akitsuutikkut isertitat avatangiisinut aningaasaateqarfimmut atugassanngorlugit immikkoortinneqartalernissaat sulissutigeqqullugu Naalakkersuisut peqquneqarnissaannik Inatsisartut aalangiiffigisassaattut Inatsisartunut ilaasortap Kim Kielsennip siunnersuutaanut Pariit inuit ima oqaaseqarfigissavarput.

Inatsisartunut ilaasortaq Kim Kielsennip pinngortitap avatagiisittalu tamatigoortumik paaralugulu miguittuutinnissaa siunnersuummini siunertaringaa takusinnaagatsigu nuannaarutingarput.

Partii Inuit isumaqarpugut ukiuni kingulliunerulersuni illoqarfinni nunaqarfinnilu eqqaaveqarnikkut aammalu eqqaavissuaqarnikkut aaqqissuussaaneq annertuumik iliuseqarfiginerusariaqaripput kommunini aammalu ataatsimoortumik nuna tamaat eqqarsaatingalugu, tamatumunngalu atatillugu uggornartutut isingaarput naalakkersuisuusarsimasut siuliisa tamatumunnga iliussissanut timaliiniartarsimasinnaaneq pingaartinneqarpallaartarsimangittoq takusinnaangatsigu.

Nunarput isorartoorujussuullunilu assigiinngitsorujussuarnik aningaasaqarniarnikkut atungassaqtitaanera piffimmiik piffimmut assortorneqarsinnaanngilaq, tamanna aamma atuuppoq kommunini isorliunerusuni minnerunngitsumillu nunaqarfinni illoqarfinnilu eqqaaveqarniarnikkut aaqqissuussaaneqarup sullissinerullu iluani.

Siunnersuut Partii Inuit ilalerlugu tapersorsorusupparput pingaartumik isorliunerusuni nunaqarfinni illoqarfinnilu aningaasaqarniarnikkut sanngiinnerusuni pingaartitsilluni siuneqartarqarsinnaappat. Taamaattoq siunertaq ataatsimut isingalugu imartuujummat kaammattuutigissavarput pinngortitamut avatagiisinullu ataatsimiisitaliamut suliareqqitassanngorlugi ingerlatinneqassasoq.

Qujanaq.



Partii Inuit Inatsisartuni